



БҮГІНГІНІҢ БАС ТАҚЫРЫБЫ

САЙЛАУ – БӘСЕКЕГЕ САЙ, ЕРІКТІ БОЛҒАНДА ҒАНА БАҒАЛЫ



Сайлау – зайырлы, құқықтық мемлекеттегі әділ таңдау жасаудың кепілі. Сайлау арқылы республика азаматтары өзінің пікірін, қолдауын білдіреді. Еліміздің бас құжаты Конституцияда мемлекеттік билікті ұйымдастырудың негізгі қағидаты ретінде ерікті сайлау бекітіліп, сол мемлекеттік биліктің бірден-бір көзі – халық екені көрсетілген.

Сайлау – бәсекеге сай, ерікті болғанда ғана бағалы. Сайлауға түскендердің барлығының сөз, жиналыс, қозғалыс бостандығына, олардың саяси көзқарастарының естілуі үшін және олар сайлаушыларға балама кандидаттарды ұсына алуы үшін қажеттінің барлығын пай-

далануына кепілдік берілуі тиіс. Қазақстан беделді халықаралық ұйымдардың белсенді мүшесі болғандықтан, өзі қабылдаған ерікті және бәсекелі сайлау өткізу жөніндегі барлық міндеттемелерді ұстануға, заңдылықты бұзбауға тиіс. Талаптардың бұзылмауын,

заңдылықтың сақталуын еліміздегі ерікті бақылаушылардан бөлек, халықаралық бақылаушылардың да қадағалап отыратынын естен шығармауымыз керек.

(Соңы 2-бетте)

БАҒДАР

«ТӨЛЕБИДІҢ» ТАБИҒАТЫ ТУРИЗМГЕ СҰРАНЫП ТҰР

Бүгінде туризм көптеген мемлекеттің басты табыс көзіне айналған. Өйткені, «Атың барда жер таны, желіп жүріп...» деген қағиданы ұстанушылар көбейді. Саяхатты ұнатушылардың артуы туризм саласының дамуына ықпал етіп отыр. Қазақстан да туристерден кенде емес. Кең байтақ жазиралы даламыз, тарихи, мәдени ескерткіштеріміз, таулы, нулы өлкеміз бен шөл, қыраттарымызды тамашалап, демалушылар көп.



Қазіргі таңда туризмді дамыту – мемлекеттік саясаттың басым бағыты. Соңғы жылдары туризм әлемдегі ең табысты бизнестің біріне айналып үлгерді.

Туризм саласының жылдан-жылға маңызы артып, халықаралық байланыста және валюталық түсім көзі ретінде көп мемлекеттер аталмыш салаға баса көңіл

(Соңы 3-бетте)



БАР ҮМІТІМ –
ПРЕЗИДЕНТТЕ!

4-бет



ТЕМІР ТОРҒА
ТЕЛМІРГЕН ТАҒДЫРЛАР

6-бет



ҮТІКТЕГІ ҚАН

8-бет

СӘТІ ТҮСКЕН СҰХБАТ

Дархан МЫҢБАЙ,
Парламент Мәжілісінің депутаты:

«ЖАСТАРҒА ИЕ БОЛА АЛМАСАҚ, МЕМЛЕКЕТКЕ ДЕ ИЕ БОЛА АЛМАЙМЫЗ»

– Жақында Президент шешімімен Республика күні қайта мерекелер тізбесіне қосылды. Елдің жағдайы бүгіндей ауыр боп тұрған кезеңде бұл қаншалықты дұрыс шешім? Мұның астарында не бар? Жалпы, әлеуметтік-экономикалық мәселелерді шешу үшін қандай шаралар қарастырылуда? Өз тараптарыңыздан қандай ұсыныс-пікірлер айтып жатырсыздар?

– Өздеріңізге белгілі, Республика күнін ұлттық мереке ретінде қайта түлету туралы ұсыныс Ұлттық құрылтай болған кезде айтылды. Тарихи тұрғыдан алғанда шындығында, Республика күнінің жарияланғаны сол күн болатын. Одан соң тәуелсіздік туралы декларация қабылданды. Меніңше, кейбір замандастар айтып жүргендей, ел өміріндегі айтулы оқиғаларды бірден өмірімізден сызып тастауға болмайды.

(Соңы 5-бетте)

